

宋書

十六

宋書

志十五卷之十六卷

志第十五

宋書三十五



臣沈約

新撰

天文三

晉簡文咸安元年十二月辛卯熒惑逆行入太微二年三月猶不退占曰國不安有憂是時帝有桓溫之逼恒懷憂慘七月帝崩

咸安二年正月己酉歲星犯填星在須女占曰為內亂五月歲星形色如太白占曰進退如度姦邪息變色亂行主無福歲星囚於仲夏當

二百六十四

宋書三十五

一

宋書三十五

細小而明此其失常也又為臣強六月太白晝見在七星乙酉太白犯輿鬼占曰國有憂七月帝疾甚詔桓溫曰少子可輔者輔之如不可君自取之賴侍中王坦之毀手詔改使如正道導輔政故事溫聞之大怒將誅坦之等內亂之應也是月帝崩

咸安二年五月丁未太白犯天關占曰兵起六月庾希入京城十一月盧悚入宮並誅滅

晉孝武寧康元年正月戊申月奄心大星案占

灾在王者則在豫州一曰主命惡之三月丙午
月奄南斗第五星占曰大臣有憂憂死亡一曰
將軍死七月桓温薨

寧康二年正月丁巳有星孛于女虛經氏元
角軫翼張九月丁丑有星孛于天市十一月癸
酉太白奄熒惑在營室占曰金火合為爍此灾
皆為兵喪太元元年五月氏賊苻堅伐涼州七
月氏破涼州虜張天錫十一月桓冲發三州軍
軍淮泗桓豁亦遣軍備境上

寧康二年閏月己未月奄牽牛南星占曰左
將軍死三年五月北中郎將王坦之薨

寧康三年六月辛卯太白犯東井占曰秦地有
兵九月戊申熒惑奄左執法占曰執法者死太

元元年苻堅破涼州十月尚書令王彪之卒

晉孝武太元元年四月丙戌熒惑犯南斗第三
星丙申又奄第四星占曰兵大起中國飢一曰有
赦八月癸酉太白晝見在氏氏兖州分野九月
熒惑犯哭泣星遂入羽林占曰天上有哭泣事

中軍兵起十一月己未月奄左角占曰天子有
兵一曰國有憂三年六月災惑守羽林占曰
禁兵大起九月壬午太白晝見在角兖州分元
年五月大赦三年八月氏賊韋鍾入漢中東下苻
融寇樊鄧慕容焯圍襄陽氏兖州刺史彭超
圍彭城四年二月襄陽城陷賊獲朱序彭超捨
彭城獲吉挹彭超等聚廣陵三河衆五萬於
是征虜謝石次陰中右衛毛安之游擊河間王
曇之等次堂邑發丹陽民丁使尹張涉屯衛
萬人戍夏口

京都六月兖州刺史謝玄討賊大破之餘燼皆
走是時中外連兵比年荒儉是年又發揚州
太元四年十一月丁巳太白犯哭星占曰天子有哭
泣事五年七月丙子辰星犯軒轅占曰女主當
之九月癸未皇后王氏崩

太元六年十月乙卯有奔星東南經翼軫聲如
雷星說曰光迹相連曰流絕迹而去曰奔案占
楚地有兵一曰軍破民流十二月氏荊州刺史梁

成襄陽太守閻震率衆伐竟陵柘石處繫大破
之生禽震斬首七千獲生萬人聲如雷將帥怒
之象也七年九月朱綽擊襄陽拔將六百餘家
而還

太元七年十一月太白晝見在斗占曰兵有兵
喪八年四月甲子太白又晝見在參占曰魏有
兵喪是月柏沖征沔漢楊亮伐蜀並拔城略地
八月符堅自將號百萬九月攻沒壽陽十月劉
牢之破堅將梁成斬之殺獲萬餘人謝玄等又
破堅於淝水斬其弟融堅大衆奔潰九年六月
皇太后褚氏崩八月謝玄出屯彭城經略中州
十年八月符堅爲其將姚萇所殺

太元十年十二月己丑太白犯歲星占曰爲兵
饑是時河朔未一兵連在外冬大饑

太元十一年二月戊申太白晝見在東井占曰
秦有兵臣彊六月甲午歲星晝見在胃占曰魯
有兵臣彊十二年慕容垂寇東阿翟遼寇河上
姚萇假號安定符登自立隴上呂光竊據涼土

太元十一年三月客星在南斗至六月乃沒占
曰有兵一曰有赦是後司雍充贊其而有兵殺十
二年正月大赦八月又赦

太元十二年二月戊寅熒惑八月占曰有亂臣死
相若有戮者一曰女親為敗天下亂是時琅邪王
輔政王妃從兄國寶以姻昵受寵之陳郡人素悅
昧私苟進交構主相扇揚朋黨十三年帝殺統
於是主相有隙亂階興矣

太元十二年十月庚午太白晝見在斗十三年
閏月戊辰天狗東北下有聲十二月戊子辰星
八月在危占曰賊臣欲殺主不出三年必有內惡
是月熒惑在角亢形色猛盛占曰熒惑大其常
吏且棄其法諸侯亂其政自是後慕容垂翟遼
姚萇苻登慕容永並阻兵爭疆十四年正月彭
城妖賊又稱號於白羊丘劉牢之破滅之三月張道
破合鄉圍大山向欽之擊走之是年翟遼又攻
沒榮陽侵略陳項于時政事多弊治道陵遲矣
太元十四年十二月熒惑入羽林乙未月犯歲

星占並同上十五年翟遼陸掠司充衆軍田累討
弗克鮮卑又跨略并冀七月旱八月諸郡大水
兗州又蝗

太元十五年七月壬申有星孛于北河戒經太
微三台文昌入北斗長十餘丈八月戊戌入紫
微乃滅占曰北河戒一名胡門胡門有兵喪掃
太微入紫微王者當之三台爲三公文昌爲將
相將相三公有灾入北斗彊國發兵諸侯爭權
大夫憂十一月太白入羽林占曰天子爲軍自

守有反臣二十一年九月孝武帝崩隆安元年
王恭殷仲堪桓玄等並發兵表誅王國寶朝廷
從而殺之并斬其從弟緒司馬道子由是失勢
禍亂成矣

太元十六年十一月癸巳月奄心前星占曰太子
憂是時太子常有篤疾

太元十七年九月丁丑歲星熒惑填星同在元
氏占曰三星合是謂驚鳥位絕行内外有兵喪與
飢改立王公

十八年正月乙酉熒惑八月占曰憂在宮中非賊乃盜也一曰有亂臣若有戮者二十一年九月帝暴崩內殿北庶宣言夫人張氏潛行大逆于時朝政闇緩不加顯戮但默責而已又王國寶邪狡卒伏其辜

太元十八年二月有客星在尾中至九月乃滅占曰燕有兵喪十九年四月己巳月奄歲星在尾占曰為飢燕國亡二十年慕容垂遣息寶伐什圭為圭所破死者數萬人二十一年垂死國遂衰亡

太元十九年十月癸丑太白犯歲星在斗占曰為飢為內兵斗吳越分至隆安元年王恭等舉兵顯王國寶之罪朝廷赦之是後連歲水旱民飢太元二十年六月熒惑入天囷占曰天下飢七月丁亥太白入太微占曰太白入太微國有憂晝見為兵喪九月有蓬星如粉絮東南行歷女虛至哭星占曰蓬星見不出三年必有亂臣戮死於市十二月己巳月犯樞閉及東西威占曰樞閉

司心腸喉舌東西咸主陰謀是時王國寶爰構朝政二十一年九月帝崩隆安元年王恭等舉兵而朝廷戮王國寶王緒又連歲水旱兼三方動衆民飢

太元二十一年三月太白連晝見在羽林占曰有強臣有兵喪中軍兵起四月壬午太白入天國占曰爲飢六月歲星犯哭星占曰有哭泣事是年九月孝武帝崩隆安元年王恭舉兵脅朝廷於是中外戒嚴戮王國寶以謝之

晉安帝隆安元年正月癸亥熒惑犯哭星占曰有哭事二月歲星熒惑皆入羽林占曰軍兵起四月丁丑太白晝見在東井秦有兵喪是月王恭舉兵內外戒嚴尋殺王國寶等六月羌賊攻洛陽郗恢遣兵救之姚萇長死子略代立什圭自號於中山

隆安元年六月庚午月奄太白在太微端門外占曰國受兵乙酉月奄歲星在東壁占曰爲飢衛地有兵八月熒惑守井鉞占曰大臣有誅二

年六月戊辰攝提移戾失常歲星晝見在胃
胃兗州分是年六月郗恢遣鄧啓方等以萬八
殘虜於滑臺滑臺衛地也啓方等敗而還九月
王恭庾楷殷仲堪桓玄等並舉兵表誅王愉司
馬尚之兄弟於是內外戒嚴大發民衆仲堪軍
至尋陽禽江州刺史王愉楷將段方攻尚之於
楊湖爲所敗方死王恭司馬劉牢之反恭恭敗
桓玄至白石亦奔退仲堪還江陵三年冬荊州
刺史殷仲堪爲桓玄所殺

隆安二年閏月太白晝見在羽林丁丑月犯東
上相辛未辰星犯軒轅星占悉同上是年正月
楊佺期破郗恢奪其任殷仲堪又殺之六月鮮
卑攻沒青州十月羌賊攻沒洛陽桓玄破荆雍
殺殷仲堪楊佺期孫恩聚衆攻沒會稽殺內史
王凝之劉牢之東討走之四年七月太皇太后李
氏崩

隆安四年正月乙亥月犯填星在牽牛占曰吳
越有兵喪女主憂二月己丑有星孛于奎長三

文上至閣道紫宮西蕃入斗魁至三台太微帝
座端門占曰彗拂天子廷閣易主之象經三台
入北斗占同上條六月己未月又犯填星在牽牛
辛酉又犯哭星十月奄歲星在斗河占曰為飢
十二月戊寅有星孛于貫索天市天津占曰
貴臣獄死内外有兵喪天津為賊斷王道天下
不通十二月太白在斗晝見至五年正月乙卯
案占灾在吳越三月甲寅流星赤色衆多西行
經牽牛虛危天津閣道貫太微紫宮占曰星
者庶民類衆多西流之象徑行天子庭主弱臣
彊諸侯兵不制七月癸亥天角星散搖五色占
曰王者流散丁卯月犯天關占曰王者憂九月
庚子熒惑犯少微又守之占曰處士誅十月戊子
月犯東蕃次相四年五月孫恩復破會稽殺內
史謝琰遣高雅之等討之七月太皇太后李氏
崩十月妖賊大破高雅之於餘姚死者十七八
五年二月孫恩攻句章高祖拒之五月吳郡內
史袁山松出戰為所殺死者數千人六月孫恩

至京口高祖擊破之恩軍蒲州於是內外戒嚴營陣屯守柵斷淮恩遣別將攻廣陵殺三千餘人恩遁據郁州是月高祖又追破之九月栢立表至逆旨陵上十月司馬元顯大治水軍將以伐立元興元年正月栢立東下是月孫恩在臨海人衆餓死散亡恩亦投水死盧循自稱征虜將軍領其餘衆略有永嘉晉日安之地二月帝戎服遣西軍丁卯栢立至姑孰破歷陽司馬尚之見殺劉牢之降于立三月立剋京都殺大司馬元顯放太傅道子七月大飢人相食浙江東餓死流二十六七吳郡吳興戶口減半又流奔西者萬計十月栢立遣將擊劉軌破走奔州四年立遂篡位遷帝尋陽

晉日安帝元興元年二月戊子太白犯五諸侯因晝見四月辛丑月奄辰星七月戊寅熒惑在東井熒惑犯輿鬼積尸占並同上八月庚子太白犯歲星在上將東南占曰楚兵飢一曰災在上將丙寅太白奄右執法九月癸未太白犯進賢占曰

賢者誅十月客星色白如粉絮在太微西至
二月入太微占曰兵入天子庭二年二月歲星犯
西上將六月甲辰奄斗第四星占曰大臣誅不
出三年八月癸丑太白犯房北第二星九月巳
丑歲星犯進賢星熒惑犯西上將十月甲戌太白
犯泣星十一月丁丑熒惑犯填星辛巳月犯熒
惑十二月乙巳月奄軒轅第二星占悉同上元
年冬索頭破羌軍二年十二月桓玄篡位放遷
帝右於尋陽以永安何皇后為零陵君三年
二月高祖盡誅桓氏

元興三年正月戊戌熒惑逆行犯太微西上相
占曰天子戰於野上相死二月甲辰月奄歲星
於左角占曰天下兵起丙辰熒惑逆行在左執
法西北占曰執法者憂四月甲午月奄軒轅第
二星填星入羽林十二月熒惑太白皆犯羽林占
同上是年二月丙辰高祖殺桓脩等三月巳未
破走桓玄遣軍西討辛巳誅左僕射王愉及子
荊州刺史綏桓玄劫帝如江陵五月玄下至尋

嶸洲義軍破滅之桓振又攻沒江陵幽劫天子
明年正月衆軍攻之振走乘輿乃旋七月永安
何皇后崩三月桓振又襲江陵荊州刺史司馬
休之敗走是月劉懷肅擊振滅之其年二月
巴西人譙縱殺益州刺史毛璩及璩弟西夷校
尉瑾跨有西土自號蜀王

晉安帝義熙元年三月壬辰月奄左執法占同
上丁酉月奄心前星占曰豫州有災太白犯東
井占曰秦有兵四月己卯月犯填星在東壁占
曰其地亡國一曰貴人死七月庚辰太白比書見
在翼軫占曰爲臣強荊州有兵喪己未月奄填
星在東壁占曰其國以伐亡一曰民流八月丁巳
月犯斗第一星占曰天下有兵一曰大臣憂案
江左來南斗有災則吳越會稽丹陽豫章
廬江各隨其星應之淮南失土殆不占耳史
闕其說故不列焉
九月戊子熒惑犯少微占曰處士誅庚寅熒火
惑犯右執法癸卯熒惑犯左執法占並同上十月

丁巳月奎垣填星營室占同七月十一月丙戌太白奮鉤鈐占曰喉舌臣憂十二月巳卯歲星犯天江占曰有兵亂河津不通是年六月索頭寇沛土使僞豫州刺史索度真戎相縣太傅長沙景王討破走之十一月荊州刺史魏詠之薨二年二月司馬國璠等攻沒弋陽四月羌伐仇池仇池公楊盛擊走之九月益州刺史司馬榮期爲其參軍楊承祖所害時文處茂討蜀屢有功會榮期死乃退三年十二月司徒揚州刺史王謚薨四年正月太保武陵王遵薨三月左僕射孔安國卒五年高祖討鮮卑并定舊充之地義熙二年二月巳丑月犯心後星占曰豫州有灾四月癸丑月犯太微西將巳未月犯房南第二星巳丑歲星犯天江占悉同上五月癸未月犯左角占曰左將軍死天下有兵壬寅災惑犯氏占曰氏爲宿宮又主憂六月庚午災惑犯房北第二星八月癸亥災惑犯斗第五星丁巳犯建星九月壬午災惑犯哭星又犯泣星占悉同上十一

二月丙午月奄太白在危占曰齊亡國一曰彊國君死丁未熒惑太白皆入羽林是年二月甲戌司馬國璠等攻沒弋陽三年正月鮮卑寇北徐州至下邳八月遣劉敬宣伐蜀十二月司徒王謐薨四年正月武陵王遵薨五年鮮卑復寇淮北四月高祖大軍討之六月大戰臨朐城進圍廣固十月什圭為其子偽清河公所殺六年二月拔廣固禽慕容超阮斬其衆三千餘人

義熙三年正月丙子太白晝見在奎二月庚寅月奄心後星占悉同上癸亥熒惑填星太白辰星聚於奎婁從填星也其說見上九年五月己丑太白晝見在參占曰益州有兵喪臣彊八月辛卯熒惑犯辰星翼占曰天下兵起八月己卯太白奄熒惑又犯執法占曰奄熒惑有大兵辛卯熒惑犯左執法九月壬子熒惑犯進賢是年正月丁巳鮮卑寇北徐至下邳八月劉敬宣伐蜀不克而旋四年三月左僕射孔安國卒七月司馬叔璠等攻沒鄒山魯郡太守徐邕破

走之姚略遣衆征佛佛太爲所破五年高祖討
鮮卑六年三月妖賊徐道覆殺鎮南將軍江州
刺史何無忌於豫章四月妖賊盧循寇湘中巴
陵五月丙子循道覆敗撫軍將軍豫州刺史劉
毅於桑落洲毅僅以身免丁丑循等至蔡洲遣別
將焚京口庚辰賊攻焚杏浦杏浦戍將距戰不利
高祖遣軍渡淮擊大破之司馬國璠寇碭山竺
萑計破之七月妖賊南走據尋陽高祖遣劉
鍾等追之八月孫季高棄海岱廣州謙之
以蜀衆聚枝江盧循將苟林略華容相去百
里臨川烈武王討謙之又討林林退走鄱陽太
守虞丘延破賊別帥於上饒九月烈武王使劉
遵擊苟林於巴陵斬之桓道兒率蔡猛向太薄
又遣劉基討之斬猛十月高祖以舟師南征是
時徐道覆率二萬餘人攻荊州烈武王此之戰
於江津大破之梟殄其十八九道覆戰船走十一
月劉鍾破賊軍於南陵癸丑益州刺史鮑陋卒
于白帝譙道福攻沒其衆庚戌孫季高襲廣州

剋之十二月高祖在大雷與賊交戰大破之賊
走左里進擊又破死者十八九賊還廣州劉蕃
等追之七年二月蕃拔始興城斬徐道覆盧循
還番禺攻圍孫季高不能剋走交州交州刺史
杜慧度斬之四月到彥之攻譙道福於白帝拔之
義熙四年正月庚子熒惑犯大江占同上五月丁
未月奄斗第二星占同上壬子填星犯天廩占
曰天下飢倉粟少六月己丑太白犯太微西上將
己卯又犯左執法十月戊子熒惑入羽林占悉
同上五年高祖討鮮卑六年左僕射孟昶仰藥
卒是後南北軍旅運轉不息

義熙五年二月甲子月犯昴占曰胡不安天子
破匈奴四月甲戌熒惑犯辰星在東井占同三
年五月戊戌歲星入羽林古同上九月壬寅月犯
昴古同二月十月熒惑犯氐占同二年閏月丁
酉月犯昴占同二月辛亥熒惑犯鉤鈐占同
元年十二月辛丑太白犯歲星在奎占曰大兵起
魯有兵己酉月奄心大星占曰王者惡之是年

四月高祖討鮮卑什圭為其子所殺十一月西
虜攻安定姚略自以大衆救之六年二月鮮卑滅
皆胡不安之應也是時鮮卑跨魯地又魯有
兵之應也五月盧循逼郊甸宮衛被甲

義熙六年三月丁卯月奄房南第二星占曰災
在次相己巳又奄斗第五星占曰斗主兵兵起一
日將軍死太白犯五諸侯占曰諸侯有誅五月甲
子月奄斗第五星占同三月己亥月奄昴占曰
國有憂一曰有白衣之會六月己丑月犯房南第

十一

十一

十一

二星甲午太白晝見占並同上七月己亥月犯輿
鬼占曰國有憂一曰秦有兵八月壬午太白犯軒
轅大星甲申月犯心前星災在豫州丙戌月犯
斗第五星占悉同上五月丁亥月奄牛宿南星
占曰天下有大誅乙未太白犯少微丙午太白在
少微而晝見九月甲寅太白犯左執法丁丑填
星犯畢占曰有邊兵是年三月始興太守徐道
覆反江州刺史何無忌討之大敗於豫章無忌
死之四月盧循寇湘中沒巴陵五月循等大破

豫州刺史劉毅毅僅以身免循吏衆逼京畿
是月左僕射孟昶懼王威不振仰藥自殺七年
二月劉蕃薨徐道覆首杜慧度斬盧循並
傳首京都八年六月臨川烈武王道規薨時為
豫州八月皇后王氏崩九月兗州刺史劉蕃尚書
僕射謝混伏誅高祖西討劉毅斬之十二月遣
益州刺史朱齡石伐蜀九年諸葛長民伏誅林
邑王范胡達將萬餘人寇九江具太守杜慧
期距破之七月朱齡石滅蜀

義熙七年四月辛丑熒惑入輿鬼占曰秦有兵
一曰雍州有災六月太白晝見在翼占同元年
己亥填星犯天關占曰臣謀主庚子月犯歲星
在畢占曰有邊兵占飢七月丁卯歲星在參占
曰歲填合為內亂一曰益州戰不勝亡地五虹見
東方占曰天子黜聖人出八月乙未月犯歲星
在參占曰益州兵飢太白犯房南第二星十一
月丙午太白犯哭泣星占參同上七月朱齡石克
蜀蜀民尋又反又討滅之八年誅劉蕃謝混滅

劉毅皇后王氏崩九年誅諸葛長民十一年
討荊州刺史司馬休之雍州刺史魯宗之破之也
義熙八年正月庚戌月犯歲星在畢占同上七
月癸亥月奄房北第二星占同上甲申太白犯
填星在東井占曰秦有大兵己未月犯井鉞
八月戊申月犯泣星十月辛亥月奄天關占曰
有兵十月丁丑填星犯東井占曰大人憂十二
月癸卯填星犯井鉞是年八月皇后王氏崩九
月誅劉蕃謝混滅劉毅九年三月誅諸葛長
民西虜攻羌安定戎剋之十二月朱齡石伐蜀
九年七月朱齡石滅蜀

義熙九年二月丙午熒惑填星比日犯東井占曰
秦有兵壬辰歲星熒惑填星太白聚于東井
從歲星也熒惑入輿鬼太白犯南河初義熙三年
四星聚奎奎妻徐州分是時慕容超僭號於齊
侵略徐兗連歲寇抄至于淮泗姚興譙縱僭
偽秦蜀盧循木末南北交侵五年高祖北殄鮮
卑是四星聚奎之應也九年又聚東井東井

秦分十三年高祖定關中又其應也而縱循羣
凶之徒皆已剪滅於是天人歸望建國舊曰徐元
熙二年受終納禪皆其徵也星傳曰四星若合
是謂太陽其國兵喪並起君子憂小人流五星
若合是謂易行有德受慶攻立王者奄有四
方無德受罰離其國家滅其宗廟今案遺

文所存五星聚者有三周漢以王齊以霸周將伐殷

五星聚房齊桓將霸五星聚箕漢高入秦五星聚東井齊則永終侯伯卒無更紀

之事是則五星聚有不易行者矣四星聚者

有九漢光武晉元帝並中興而魏宋並更紀是

則四星聚有以易行者矣昔漢平帝元始四年

四星聚柳張各五日柳張三河分後有王莽赤

眉之亂而光武興復於洛晉懷帝永嘉六年四

星聚牛女後有劉聰石勒之亂而元皇興復楊

士漢獻帝初平元年四星聚心又聚箕尾心豫州

分後有董卓李傕暴亂黃巾黑山熾擾而魏武

迎帝都許遂以充豫定是其應也一日心為天王

大兵外敵天下大亂之兆也韓馥以為尾箕燕

興之祥故奉幽州牧劉虞虞既距之又尋滅亡固
已非矣尾爲燕又爲吳此非公孫度則孫權也度
偏據僻陋然亦郊祀備物皆爲改漢矣建安
二十二年四星又聚二十五年而魏文受禪此
爲四星三聚而易行矣蜀臣亦引後聚爲劉
備之應案太元十九年義熙三年九月四星各
一聚而宋有天下與魏同也魚豢云五星聚冀
方而魏有天下熒惑入輿鬼占曰兵喪太白犯
南河占曰兵起後皆有應

五月壬辰太白犯右執法晝見占同上七月庚
午月奄鉤鈐占曰喉舌臣憂九月庚午歲星犯
軒轅大星巳丑月犯左角十年正月丁卯月犯
畢占曰將相有以家坐罪者二月巳酉月犯房
北星五月壬寅月犯牽牛南星乙丑歲星犯
軒轅大星占悉同上六月丙申月奄氐占曰
將死之國有誅者七月庚辰月犯天關占曰
兵起熒惑犯井鉞填犯輿鬼遂守之占曰大
人憂宗廟改八月丁酉月奄牽牛南星占同

上九月填星犯輿鬼占曰人主憂丁巳太白入
羽林十二月己酉月犯西咸占曰有陰謀十一年
二月丁巳月入畢占曰天下兵起一曰有邊兵已
卯填星入輿鬼閏月丙午填星入輿鬼占曰為
早為疫為亂臣五月甲申彗星出天市掃帝
座在房心房心宋之分野案占得彗柄者興
除舊布新宋興之象癸卯熒惑從行入太微
甲辰犯右執法六月己未太白犯東井占曰秦
有兵戊寅犯輿鬼占曰國有憂七月辛丑月犯
畢占同上八月壬子月犯氐占同上庚申太白從
行從右掖門入太微丁卯奄左執法十一月癸亥
月入畢占同上乙未月入輿鬼而暈占曰主憂
財寶出一曰暈有赦十二年五月甲申月犯
歲星在左角占曰為飢留房心之間宋之分野
與武王伐紂同得歲者王于時晉始封高祖為
宋公六月壬子太白從行入太微右掖門己巳月犯
畢占同上七月月犯牛宿占曰天下有大誅十
月丙戌月入畢占同上十三年五月丙子月犯

軒轅丁亥犯牽牛癸巳熒惑犯右執法八月己酉月犯牽牛丁卯月犯太微占曰人君憂九月壬辰熒惑犯軒轅十月戊申月犯畢占悉同上月犯箕占曰國有憂甲寅月犯畢占同上乙卯填星犯太微留積七十餘日占曰亡君之戒壬戌月犯太微占同上十一月於太微奄填星占曰王者惡之十四年三月癸丑太白犯五諸侯占同上四月壬申月犯填星於張占曰天下有大喪五月庚子月犯太微占同上壬子有星孛于北斗魁中占曰有聖人受命七月甲辰熒惑犯輿鬼占曰秦有兵丁巳月犯東井占曰軍將死癸亥彗星出太微西柄起上相星下芒漸長至十餘丈進歸北斗紫微中台占曰彗出太微社稷亡天下易王入北斗紫微帝宮空一曰天下得聖主八月甲子太白犯軒轅癸酉填星入太微犯右執法因留太微中積二百餘日乃去占曰填星守太微亡君之戒有徙王九月乙未太白入太微犯左執法丁巳月入太微占曰

大人憂十月癸巳熒惑入太微犯西蕃上將仍
從行至左掖門內留二十日乃逆行元年三月
五日出西蕃上將西三尺許又從還入太微時
填星在太微繞填星成鉤已其年四月二十七
日丙戌從端門出占曰熒惑與填星鉤已天下
更紀甲申月入太微占同上十一年正月高祖
討司馬休之魯宗之等潰奔長安五月林邑寇
交州交州刺史杜慧度距戰于九真大爲所敗
十三年七月高祖伐羌十月前驅定陝洛十三
年三月索頭大衆緣河爲寇高祖討之奔還其
別帥托跋嵩交戰又大破之嵩衆殲焉進復攻
關八月擒姚泓司寇秦雖悉平索頭克懼十四
年高祖還彭城受宋公十一月左僕射前將軍
劉穆之卒明年西虜寇長安雒州刺史朱齡石
諸軍陷沒官軍舍而東十二月安帝崩母弟琅
邪王踐阼是曰恭帝

晉恭帝元熙元年正月丙午三月壬寅月犯太
微占悉同上乙卯辰星犯軒轅六月庚辰太白

犯太微七月月犯歲星己卯月犯太微太白畫
見占悉同上自義熙元年至是太白經天者九
日有餽從上始革代更王臣民失君之象也是
夜太白犯哭星十二月丁巳月太白俱入羽林
二年二月庚午填星犯太微占悉同上元年十
月高祖受宋王二年六月晉帝遜位高祖入宮

志第十五

宋書二十五

卷

月高祖受宋王二年六月晉帝遜位高祖入宮
二年二月庚午填星犯太微占悉同上元年十
月太白犯哭星十二月丁巳月太白俱入羽林
日本書紀上自義熙元年至是太白經天者九
日有餽從上始革代更王臣民失君之象也是
夜太白犯哭星十二月丁巳月太白俱入羽林

志第十六

宋書一十六

臣沈約新撰

天文四

宋武帝永初二年十月辛丑熒惑犯進賢占曰
 進賢官誅十一月乙卯熒惑犯填星於角占曰
 為喪大人惡之一曰兵起十二月庚子月犯熒
 惑於亢占曰為內亂一曰貴人熈角為天門亢
 為朝廷三年五月宮車晏駕七月太傅長沙
 景王道憐薨索頭攻略青司究三州於是禁兵
 大出是後司徒徐羨之尚書令傅亮領軍謝晦
 等廢少帝內亂之應

大司六十九

宋書志十六

一

應德

永初元年十二月甲辰月犯南斗占曰大臣憂
 三年七月長沙王薨索虜寇青司二州大軍出救
 永初二年六月甲申太白晝見占為兵喪為臣
 彊三年五月宮車晏駕尋遣兵出救青司其後
 徐羨之等秉權臣彊之應也

永初二年六月乙酉熒惑犯氐乙巳犯房占曰
 氐為宿宮房為明堂人士有憂房又為將相將

相有憂氏房又充豫分三年五月宮車晏駕七月長沙王薨王領兗州也景平元年廬陵王義真廢王領豫州也

永初二年十月太白犯填星於亢亢兗州分又為鄭占曰大星有大兵金土合為內兵三年索頭攻略青冀兗三州禁兵大出兗州失守虎牢沒

永初三年正月丁卯月犯南斗占同元年一日女主當之二月辛卯有星孛于虛危向河津埽河鼓占曰為兵喪五月宮車晏駕明年遣軍救青司二月太后蕭氏崩

永初三年二月壬辰填星犯亢占曰諸侯有失國者民多流亡一曰廷臣為亂亢兗州分又為鄭其年索頭攻圍司兗兗州刺史徐琰委守奔敗司州刺史毛德祖距守陷沒緣河吏民多被侵略

永初三年三月壬戌月犯南斗占同正月五月丙午犯軒轅占曰女王當之六月辛巳月犯房占曰將相有憂豫州有災癸巳犯歲星於昴占

曰趙魏兵飢其年虜攻略青兗司三州廬陵王
義真廢王領豫州也二月太后蕭氏崩元嘉三
年司徒徐羨之等伏誅

永初三年九月癸卯熒惑經太微犯左執法己
未犯右執法占悉同上十月癸酉太白犯南斗
占曰國有兵事大臣有反者辛巳熒惑犯進賢
占曰進賢官誅明年師出救青司景平二年徐
羨之等廢帝徙王元嘉三年羨之及傅亮謝晦
悉誅

永初三年十一月戊午有星孛于室壁占曰為
兵喪明年兵救青司二月太后蕭氏崩營室內
宮象也

永初三年十一月癸亥月犯亢氏占曰國有憂十
一月戊戌熒惑犯房房為明堂王者惡之一曰
將相憂景平二年羨之等廢帝因害之元嘉三
年羨之等伏誅

少帝景平元年正月乙卯有星孛于東壁南白
色長二丈餘拂天苑二十日滅二月太后蕭氏

崩十月戊午有星孛于氏北尾長四丈西北指
貫攝提向大角東行日長六七尺十餘日滅明
年五月羨之等廢帝文帝元嘉元年十月熒惑
犯心元嘉三年正月甲寅夜天東南有黑氣廣
一丈長十餘丈元嘉六年五月太白晝見經天元
嘉七年三月太白犯歲星於奎六月熒惑犯東
井輿鬼入軒轅月犯歲星十一月癸未西南有氣
上下赤中央黑廣三尺長三十餘丈狀如旌旗十二
月丙戌有流星頭如彘尾長二十餘丈大如數十
斛船赤色有光照人面從西行經奎北六星南過
至東壁止其年索虜寇青司殺刺史掠居民遣
征南大將軍檀道濟討伐經歲乃歸
元嘉八年四月辛未太白晝見在胃五月犯天
關東井六月庚子熒惑入東井七月壬戌夜白
虹見東方丁丑太白犯上將八月癸未太白入太
微右掖門內犯左執法乙未熒惑犯積尸九月
丙寅流星大如斗赤色發太微西蕃北行未至
北斗沒餘光長三丈許十月丙辰金土相犯在

須女月奄天關東井十二月月犯房鉤鈐十年犯
池氏寇漢中梁州失戍

元嘉九年正月庚午熒惑入輿鬼三月月犯軒轅
四月犯左角歲星入羽林月犯房鉤鈐己丑太
白入積尸五月犯軒轅月掩南斗第六星辛酉
熒惑入太微右掖門犯右執法七月丙午月蝕
左角八月癸未太白犯心前星乙酉犯心明堂
星元嘉十年十月有流星大如彗尾長二十餘
丈元嘉十一年二月庚子月犯畢入畢口而出
因暈昴畢西及五車東及參三月丙辰太白晝
見在參閏月戊寅太白犯五諸侯己丑月入東
井犯太白于時司徒彭城王義康專權

元嘉十二年五月壬戌月犯右執法七月壬戌
熒惑犯積尸奄上將十月丙午月犯右執法十二
月甲申太白犯羽林十七年上將執法皆被誅

元嘉十三年正月庚午月犯熒惑二月月犯太
微東蕃第一星十一月辛亥歲星犯積尸十二
月戊子熒惑入羽林後年廢大將軍彭城王

義康及其黨與凡所以掩皆羽林兵出

元嘉十四年正月有星晡前晝見東北維在井左右黃赤色天如橘月犯東井四月丁未太白犯輿鬼五月丙午太白晝見在太微七月辛卯歲星入軒轅八月庚申熒惑犯上將九月丙戌熒惑犯左執法其後皇后袁氏崩丹陽尹劉湛誅尚書僕射殷景仁薨

元嘉十五年四月己卯月犯氐十月壬戌流星大如鴨子山文昌入紫宮聲如雷十一月癸未熒惑入羽林丁未月犯東井鉞星其後誅丹陽尹劉湛等

元嘉十六年二月歲星逆行犯左執法五月丁卯太白晝見四月卯間月入羽林太白犯畢歲星左執法七月月會填星八月太白犯軒轅明年皇后袁氏崩熒惑犯太微西上將太白晝見在翼九月熒惑同入太微相犯太白犯左執法熒惑犯右執法十月歲星熒惑相犯在亢十一月熒惑犯房北第一星明年大

將軍義康出徙豫章誅其黨與尚書僕射楊州刺史殷景仁薨

元嘉十九年九月客星見北斗漸為彗星至天苑末滅元嘉二十年二月二十四日乙未有流星大如桃出天津入紫宮須臾有細流星或五或三相續又有一大流星從紫宮出入北斗魁須臾又一大流星出貫索中經天市垣諸流星竝向北行至曉不可稱數流星占竝云天子之使各庶民惟星星流民散之象至二十七年索虜

殘破青冀徐兗南兗豫六州民死太半

元嘉二十二年二月金火木合東井四月月犯心太白入軒轅七月太白晝見其冬太子詹事范晔謀反伏誅

元嘉二十三年正月金火相爍其月索虜寇青州驅略民戶

元嘉二十四年正月月犯心大星天星竝西流多細大不過如雞子尾有長短當有數百至旦日光定乃止有入北斗紫宮者占流星群趨所

之者兵聚其下有火急又占衆星竝流將軍竝
舉兵隨星所之以應天氣又占流星入北斗大臣有繫者又
喪水旱不調又占流星入北斗大臣有繫者又
占流星為民大星大臣流小星小民流四月太
白晝見八月征北大將軍衡陽王義季薨豫章
民胡誕世率其宗族破郡縣殺太守及縣令

元嘉二十五年正月火水入羽林月犯歲星太
白晝見經天元嘉二十六年十月彗星入太微
十一月白氣貫北斗二十七年夏太白晝見經

天九月太白犯歲星十月熒惑入太微元嘉二
十八年五月彗星見卷舌入太微逼帝座犯上
相拂屏出端明滅翼軫翼軫荆州分太白晝見犯
星三十年太子巫蠱呪詛事覺遂殺害朝臣孝
建元年荆江二州反皆夷滅卷舌呪詛之象彗
之所起是其應也

元嘉二十九年正月太白晝見經天明年東宮
弒逆

孝武孝建元年二月有流星大如月西行其年

豫州刺史魯爽反誅

孝建元年九月壬寅熒惑犯左執法尚書左僕射建平王宏表解職不許

孝建元年十月乙丑熒惑犯進賢星吏部尚書謝莊表解職

孝建二年五月乙未熒惑入南斗十月甲辰又入南斗大明元年夏京師疾疫

孝建三年四月戊戌太白犯輿鬼占曰民多疾明年夏京邑疫疾

大明元

一史事志卷一六

九一

何建

孝建三年八月甲午太白入心占曰後九年大飢至大明八年東土大飢民死十二三

大明元年三月癸亥太白在奎南犯歲星占曰有滅諸侯三年司空竟陵王誕反誅

大明元年六月丙申月在東躔掩熒惑占曰將軍有憂期不出三年司空竟陵王誕反

大明二年三月辛未熒惑入東井四月己亥熒惑在東井犯北軒輳第二星井雍州分其年四

月海陵王休茂為雍州刺史五年休茂反誅

大明二年七月己巳月掩軒轅第二星十月辛卯月掩軒轅十一月丙戌月又掩軒轅軒轅女主時民間喧言人主惟薄不備

大明二年十一月庚戌熒惑犯房及鉤鈴壬子熒惑又犯鉤鈴占曰有兵其年索虜寇歷下遣羽林軍討破之

大明三年春正月夜通天薄雲四方生赤氣長三四尺乍沒乍見尋皆消滅占名隧星一曰刀星天下有兵戰鬪流血月入太微犯次將占曰有反臣死將誅三月月在房犯鉤鈴因蝕占曰人主惡之將軍死三月土守牽牛占曰大人憂疾兵起大赦姦臣賊子謀欲殺主四月犯五諸侯占曰諸侯誅金水合西方占曰兵起五月歲星犯東井鉞占曰斧鉞用大臣誅六月月入南斗占曰大臣大將軍誅南兖州刺史竟陵王誕尋據廣陵反遣車騎大將軍沈慶之領羽林勁兵及豫州刺史宗慤徐州刺史劉道隆衆軍攻戰及屠城城內男女道俗梟斬靡遺將軍宗

越偏用虐刑先剝腸決眼或笞面鞭腹苦酒灌
劊然後方加以刀鋸大兵之應也八月月犯太白
太白犯房占曰人君有憂天子惡之熒惑守畢
占曰萬民饑有大兵九月太白犯南斗占曰大
臣有死者九月月在胃而蝕既又於昴犯熒惑
占曰兵起女主當之人主惡之一曰女主憂國三
死民饑十月太白犯哭星占曰人主有哭泣之
聲自後六宮多喪公主薨亡天子舉哀相係
歲大旱民饑

大明四年正月月奄氐占曰太將死又犯房北
第二星占曰有亂臣謀其主二月有赤氣長一
尺餘在太白帝坐北占曰兵起臣欲謀其君五
月月入太微占曰有反臣大臣死六月太白犯
井鉞占曰兵起斧鉞用大臣誅月犯心前星
占曰有亂臣太子惡之月入南斗魁中占曰大
人憂女主惡之七月歲星犯積尸占曰大臣誅
十二月月犯心中央大星占曰大人憂十二月
通天有雲西及東北竝生合八所竝長四尺下沒

尔見尋消盡占曰天下有兵十二月月犯也其東
北星女主惡之明年雍州刺史海陵王休茂反
太白犯東井雍州兵亂之應也

大明五年正月歲星犯輿鬼積尸占曰大臣誅
主有憂財寶散月入南斗魁中占曰大人憂天
下有兵火土同在須女占曰女主惡之三月月
掩軒轅占曰女主惡之有流星數千萬或長或
短或大或小竝西行至曉而止占曰人君惡之
民流亡四月太白犯東井北轅占曰大臣爲亂
斧鉞用太白犯輿鬼占曰大臣誅斧鉞用人主
憂六月有流星白色大如甌出王良西南行沒
天市中尾長數十丈沒後餘光良久占曰天下
亂八月熒惑入東井占曰大臣當之十月歲星
犯太微上將星太白入二凡犯南第二星占曰上
將有憂輔臣有誅者人君惡之十月太白入氏
中熒惑入井中占曰王者亡地大赦兵起爲飢
月入太微掩西蕃上將犯歲星占曰有反臣死
大星大如斗出柳北行尾十餘丈入紫宮沒尾

後餘光良久乃滅占曰天下凶有兵喪天子惡之十一月月掩心前星又犯大星占曰大人憂兵起大旱十二月太白犯西建中央星占曰大臣相譖月犯左角占曰天子惡之後三年老武帝文穆皇后相係崩嗣主即位一年誅滅宰輔將相虐戮朝臣禍及宗室因自受害

大明六年正月月在張犯歲星占曰民飢流亡月犯心後星占曰庶子惡之二月月掩左角占曰天子惡之三月熒惑入與鬼占曰有兵大臣誅天下多疾疫五月月在張又入太微犯熒惑占曰國主不安女主憂火犯木翼占曰為飢為旱近臣大臣謀主有星前赤後白大如甌尾長十餘丈出東壁北西行沒天市啾啾有聲占曰其下有兵天下亂月掩昴七星占曰貴臣誅天子破匈奴胡主死歲星犯上將占曰輔臣誅上將憂六月月入太微犯右執法占曰人主不安天下大驚主不吉執法誅月犯心後星占曰庶子惡之七月月犯箕占曰女主惡之八月月入

南斗魁中占曰大臣誅斧鉞用吳越有憂明年
揚南徐州大旱田穀不收民流死亡自後三年
帝后仍崩宰輔及尚書令僕誅戮索虜主死新
安王兄弟受害司徒豫章王子尚薨羽林兵入
三吳討叛逆

大明七年正月夜通天薄雲四方合有八氣蒼
白色長二三丈乍見乍沒名刀星占曰天下有
兵三月月犯心後星占曰庶子惡之四月火犯金
在婁占曰有喪有兵大戰六月月犯箕占曰女
主惡之太白入東井占曰大臣當之太白犯東
井占曰大臣為亂斧鉞用七月熒惑入東井占
曰兵起大將當之月入南斗魁犯第二星占曰
大人憂吳郡當之太白犯輿鬼占曰兵起大將
誅人主憂財帛出八月月入哭星中間太白犯
軒轅少民星占曰人主憂哭泣之聲民飢流亡
太白入太微占曰近臣起兵國不安熒惑犯鬼
太白犯右執法占曰大臣誅十月金水相犯占
曰天下飢熒惑守軒轅第二星占曰宮中憂有

哀十一月歲星入氐占曰諸侯人君有入宮者
十二月月犯五車占曰天庫兵動後二年帝后
崩大臣將相誅滅皇子被害皇太后崩四方兵
起分遣諸軍推鋒外討

大明八年正月月掩輿鬼占曰大臣誅月入南
斗魁中掩第二星占曰大人憂女主惡之二月
月犯南斗第四星入魁中占曰大人有憂女主當
之豫章受災四月月入南斗魁中犯第三星占
曰大人有憂女主惡之丹楊當之太白入東井
入太微犯執法占曰執法誅近臣起兵國不安
六月歲星犯氐占曰歲大飢有流星大如五斗甌
赤色有光照見人面尾長一丈餘從參北東行
直下經東井過南河沒占曰民飢吳越有兵七
月歲星入氐十月太白守房占曰有兵大喪月
掩食房占曰有喪大飢此後國仍有大喪丹楊
尹顏師伯豫章王子尚死明年昭太后崩四方
賊起王師水陸征伐義興晉陵縣大戰殺傷千計
前廢帝永光元年正月丁酉太白掩牽牛牽牛

越分其月庚申月在虛宿犯太白虛齊地二月甲
申月入南斗南斗揚州分野又為賢臣三月庚子月
入輿鬼犯積尸輿鬼主斬戮六月庚午熒惑入東井
東井雒州分其月壬午有大流星前赤後白入紫宮
景和元年九月丁酉熒惑入軒轅在女主大星北
十月熒惑入太微犯西上將十一月丁未太白犯哭
星其月乙卯月犯心心為天王其年大宰江夏王
義恭尚書令柳元景尚書僕射顏師伯等竝
誅太尉沈慶之薨廬陵三敬先南平王敬猷南安侯
敬淵竝賜死廢帝殞明年會稽太守尋陽王子房
廣州刺史袁曇遠雒州刺史袁顛青州刺史沈
文秀竝反昭太后崩明帝泰始元年十二月己巳太
白入羽林占曰羽林兵動乙亥白氣入紫宮占曰有
喪事明年羽林兵出討昭太后崩
泰始二年正月甲午熒惑逆行在屏西南
占曰有兵在中其月丙申月暈五車通畢
昴占曰女主惡之其月庚子月犯輿鬼占
曰將軍死其月甲寅流星從五車出至紫

宮西蕃沒占曰有兵其月丙辰黑氣貫宿
占曰王侯有歸骨者三月乙未流星大
小西行不可稱數至曉乃息占曰民流之象
四月壬午熒惑入太微犯右執法月在丙子
歲星晝見南斗度中占曰其國有軍容大
敗其月己卯竟夜有流星百餘西南行一
大如甌尾長丈餘黑色從河鼓出又曰有
兵其月壬午太白在月南竝出東方爲犯
占曰有破軍死將王者亡地七月甲午月
犯心心爲宋地其月丙午月犯南斗占曰大
臣誅其月乙卯熒惑犯氐氐兗州分野十月
辛巳太白入氐占曰春穀貴十一月癸巳太
白犯房占曰牛多死其年四方反叛內兵
大出六師親戎昭太后崩大將殷孝祖爲南
賊所殺尚書右僕射蔡興宗以熒惑犯右
執法自解不許九月諸方反者皆平多有
歸降者後失淮北四州地彭城兗州竝爲虜
州沒民流之驗也彭城宋分也是春穀貴民

飢明年牛多疾死詔太官停宰牛

秦始三年六月甲辰月犯東井占曰軍將死熒惑犯東井鬼占曰金錢散又曰不出六十日必大赦八月癸卯天子以皇后六宮衣服金釵雜物賜北征將士明年二月護軍王玄謨薨

秦始四年六月壬寅太白犯輿鬼占曰民大疾死不收其年普天大疫

秦始五年二月丙戌月犯左角占曰三年天子惡之三月庚申月犯建星占曰易相十月壬午月犯畢占曰天子用法誅罰急貴人有死者其月丙申太白犯亢占曰收斂國兵以備北方其年冬建安王休仁解揚州桂陽王休範為揚州揚州牧前後常宰相居之易相之驗也七年晉平王休祐建安王休仁竝見殺時失淮北立戍以備防北虜後三年宮車晏駕

秦始六年正月辛巳月犯左角同前占八月壬辰熒惑犯南斗南斗吳分十一月乙亥月犯東斗轅占曰大人當之又曰大臣有誅者二年殺

揚州刺史王景文宮車晏駕

後廢帝元徽三年七月丙申太白入角犯歲星占
曰角為天門國將有兵事占於角太白與木星
會殺軍在外破軍殺將其月丁巳太白入氐為
天子宿宮太白兵凶之星八月己巳太白犯房北
頭第二星占曰王失德九月癸卯太白犯南斗
第三星占曰大人當之國易政十月丙戌歲星
入氐占曰諸侯人君有來入宮者十一月庚戌
月入太微奄屏西南星占曰貴者失勢四年七
月達平王景素據京口及時廢主凶慝無度五
年七月殞安成王入篡皇祚三年齊受禪
元徽四年二月乙巳朔月犯房北頭第一星進犯鍵
閉星占曰有謀伏甲兵在宗廟中天子不可出
宮下堂多暴事九月甲辰填星犯太微西蕃
占曰立王一曰徙王又曰大人憂時廢帝出入
無度卒以此殞安成王立

元徽五年正月戊申月犯南斗第五星與前
同占四月丁巳熒惑犯輿鬼西北星占曰大人

夏近期六十日遠期六月日又曰人君惡之其月
丙子太白犯輿鬼西北星占曰大赦五月戊申太
白晝見午上光明異常占曰更姓六月壬戌月犯鉤
鈐星占曰有大令其月乙丑月犯南斗第四星
與前同占七月廢帝殞大赦天下後二年齊
受禪

順帝昇明元年八月庚申月入南斗犯第三星
與前同占九月丁亥太白在翼晝見經天占
曰更姓閏十二月癸卯夜月奄南斗第四星
與前同占

志第十六

宋書第二十六



受禪
與前同占七月廢帝殞大赦天下後二年齊
受禪
與前同占九月丁亥太白在翼晝見經天占
曰更姓閏十二月癸卯夜月奄南斗第四星
與前同占
丙子太白犯輿鬼西北星占曰大赦五月戊申太
白晝見午上光明異常占曰更姓六月壬戌月犯鉤
鈐星占曰有大令其月乙丑月犯南斗第四星
與前同占七月廢帝殞大赦天下後二年齊
受禪

